

Japaun Apoiu Konstrusaun Postu Saúde Ne'ebé Melloradu no Sistema Fornesimentu Bee-Moos iha Ermera.

3 Dezembru, 2024

Iha loron 3 fulan-Dezembru tinan 2024, serimónia asinatura ba kontratu asisténsia sira ba projetu ba Konstrusaun Postu Saúde ni'an iha Suku Humboe, Munisípiu Ermera no Projetu ba Konstrusaun Sistema Abastesimentu Bee ni'an iha Aldeia Hatete, Suku Manusae, Munisípiu Ermera hala'o iha Embaixada Japaun iha Timor-Leste. Asisténsia ne'e fornese liuhosi eskema asisténsia Dezenvolvimentu Japaun ni'an "Subvensaun Asisténsia ba Projetu Seguransa Umanu iha Baze (GGP)."

Kontratu sira ne'e asina entre S.E. Sr. Tetsuya KIMURA, Embaixadór Japaun ba Timor-Leste, no representante ONG lokál sira, Asosiasaun Juventude Mileniál no Alfa Star, ne'ebé sei implementa projetu sira ne'e. S.E. Sr. Samuel Marçal, Ministru Obras Públicas, Sra. Adelia Maria M. Barreto, Diretóra Jerál ba Unidade Jestaun Projetu Saúde, Sr. Jose Martinho dos Santos Soares, Prezidente Autoridade Munisipál Ermera no líder komunitáriu sira marka prezensa iha serimónia ne'e.

Asosiasaun Juventude Mileniál sei konstrui Postu Saúde iha Suku Humboe, munisípiu Ermera ho montante finansiamentu USD 143,022 hosi Governu Japaun. Nune'e mós, Alfa Star sei konstrui Konstrusaun Sistema Bee-moos iha Hatete, Suku Manusae, munisípiu Ermera ho montante finansiamentu USD 89,367.

Embaixadór Japaun hateten "Governu Japaun defende konseitu katak Governu Seguransa Umanu. Ida-ne'e mak konseitu ida iha ne'ebé indivídu hotu-hotu, liuliu ema vulnerável sira, iha oportunidade hanesan atu goja sira nia direitu hotu-hotu no dezenvolve tomak sira nia potenciál umanu. Ba promosaun seguransa umanu, organizaun lokál sira sai parseiru importante tebes ba ita. Organizaun lokál rua, Asosiasaun Juventude Mileniál no Alfa Star, sei implementa projetu sira ne'e hodi mellora asesu ba kuidadu saúde no bee-moos ba povu iha suku sira."

Governu Japaun hala'o ho ativu projetu lubuk ida iha Timor-Leste, hosi dezenvolvimentu infraestrutura ho eskala boot no apoiu industriál to'o projetu ho eskala ki'ik ne'ebé fó benefísiu diretamente ba comunidade lokál sira. Tinan ida-ne'e marka aniversáriu ba dala 25 hosi kooperaun Japaun ni'an ba nasaun. (Remata).